



## **Nditu Mlungu akusamlechelela mundu jwakutenda yakusakala,kuwichila pa ndawi jatachisaka kumpa ilagasyo,wangamlekaga mtando wakatupa kwa ilewi yakwe**

Ngai jikupitila kwa Abu Mussa Al-Ash'ariy-chisangalalo cha Mlungu chijale kwa welewo-wawatite kuti: Mtume jwa Mlungu-chanasa ni utendele wa Mlungu iwe pa Mtumejo-jwawechete kuti: "Nditu Mlungu akusamlechelela mundu jwakutenda yakusakala,kuwichila pa ndawi jatachisaka kumpa ilagasyo,wangamlekaga mtando wakatupa kwa ilewi yakwe"ni wawechete kuti: kaneko wawalasile malowe ganti: "{Yanatite kajonanje wandu wawanyosyaga malamusi ga Mlungu pakwatumichisya ilagasyo ligongo lyakutindana ni malamusi gangu nikanila kwawo mwa achimitume wangu,amo ni yampaka njile pakwajonanga wandu wane naga ali alitesile lupuso achimisyene pakanila mwa Mlungu nikunyosya malamusi gakwe nambo soni kwakanila achimitume wakwe,nditu ilagasyo ya Mlungu ikusawa yakupweteka mnope}. [Surah Hud:102]".

[صحيح] [متفق عليه]

Mtume-chanasa ni utendele wa Mlungu iwe pa jwelejo-akutetela ya nsambo wakupelenganya pakulitenda lupuso kupitila pakutenda ikandu ya sambu, kum'bwanganya Mlungu ni ikandu ine,kwatenda lupuso wandu pangapa ikandu yakwenela kwapa,ligongo lyanti Mlungu akusamlechelela nikuchelewekasya mundu jwakutenda yakusakala nikumleuila yaka yakwe ni ipanje yakwe,wangamjanguisye kumpa ilagasyo;naga ali awele ngaujila mwa Mlungu,Mlungu akusampaga ilagasyo ni wangamlekaga mtando wakatupa kwa ilewi yakwe. Kaneko Mtume-chanasa ni utendele wa Mlungu iwe pa jwelejo-wawalasile malowe ga Mlungu ganti: {Yanatite kajonanje wandu wawanyosyaga malamusi ga Mlungu pakwatumichisya ilagasyo ligongo lyakutindana ni malamusi gangu nikanila kwawo mwa achimitume wangu, amo ni yampaka njile pakwajonanga wandu wane naga ali alitesile lupuso achimisyene pakanila mwa Mlungu nikunyosya malamusi gakwe nambo soni kwakanila achimitume wakwe,nditu ilagasyo ya Mlungu ikusawa yakupweteka mnope}. [Surah Hud:102]"

النجاة الخيرية  
ALNAJAT CHARITY

